

黃帝素問靈樞集註

黃帝素問靈樞集註卷十六之十七

業三

黃帝素問靈樞集註卷十八之十九

業三

黃帝素問靈樞集註卷二十之二十一

所一

黃帝素問靈樞集註卷二十二之二十三

所二

黃帝素問靈樞經卷之二十一

黃帝素問靈樞經卷之二十二

黃帝素問靈樞經卷之二十三

黃帝素問靈樞經卷之二十四

上海涵芬樓影印正統道藏本



黃帝素問靈樞集註卷之十六

十七同卷

業士

論痛第五十三

黃帝問于少俞曰筋骨之強弱肌肉之堅脆皮膚之厚薄腠理之疎密各不同其于針石火灼之痛何如腸胃之厚薄堅脆亦不等其於毒藥何如願盡聞之少俞曰人之骨強筋弱肉緩皮膚厚者耐痛其于針石之痛火灼亦然黃帝曰其耐火灼者何以知之少俞答曰加以黑色而美骨者耐火灼黃帝曰其不耐針石之痛者何以知之少俞曰堅肉薄皮

者不耐針石之痛于火炳亦然黃帝曰人之病或同時而傷或易已或難已其故何如少俞曰同時而傷其身多熱者易已多寒者難已黃帝曰人之勝毒何以知之少俞曰胃厚色黑大骨及肥者皆勝毒故其瘦而薄胃者皆不勝毒也

業十二

天年第五十四

黃帝問于岐伯曰願聞人之始生何氣築爲基何立而爲楯何失而死何得而生岐伯曰以母爲基以父爲楯失神者死得神者生也

黃帝曰何者爲神岐伯曰血氣以和榮衛已通五藏已成神氣舍心魂魄畢具乃成爲人黃帝曰人之壽夭各不同或夭壽或卒死或病久願聞其道岐伯曰五藏堅固血脉和調肌肉解利皮膚緻密營衛之行不失其常呼吸微徐氣以度行六府化穀津液布揚各如其常故能長久黃帝曰人之壽百歲而死何以致之岐伯曰使道隧以長基牆高以方通調營衛三部三里起骨高肉滿百歲乃得終黃帝曰其氣之盛衰以至其死可得聞乎岐

卷六十第二

伯曰人生十歲五藏始定血氣已通其氣在下故好走二十歲血氣始盛肌肉方長故好趨三十歲五藏大定肌肉堅固血脉盛滿故好步四十歲五藏六府十二經脉皆大盛以平定腠理始踈榮華頽落髮頗斑白平盛不搖故好坐五十歲肝氣始衰肝葉始薄膽汁始減目始不明六十歲心氣始衰苦憂悲血氣懈惰故好臥七十歲脾氣虛皮膚枯八十歲肺氣衰魄離故言善悞九十歲腎氣焦四藏經脉空虛百歲五藏皆虛神氣皆去形骸

獨居而終矣黃帝曰其不能終壽而死者何如岐伯曰其五藏皆不堅使道不長空外以張喘息暴疾又卑基牆薄脉少血其肉不石數中風寒血氣虛脉不通真邪相攻亂而相引故中壽而盡也

逆順第五十五

黃帝問于伯高曰余聞氣有逆順脉有盛衰刺有大約可得聞乎伯高曰氣之逆順者所以應天地陰陽四時五行也脉之盛衰者所以候血氣之虛實有餘不足刺之大約者必

明知病之可刺與其未可刺與其已不可刺也黃帝曰候之奈何伯高曰兵法曰無迎逢逢之氣無擊堂堂之陣刺法曰無刺熇熇之熱無刺漉漉之汗無刺渾渾之脉無刺病與脉相逆者黃帝曰候其可刺奈何伯高曰上工刺其未生者也其次刺其未盛者也其次刺其已衰者也下工刺其方襲者也與其形之盛者也與其病之與脉相逆者也故曰方其盛也勿敢毀傷刺其已衰事必大昌故曰上工治未病不治已病此之謂也

逢

蒲蒙切 煇時木切

五味第五十六

黃帝曰願聞穀氣有五味其入五藏分別奈何伯高曰胃者五藏六府之海也水穀皆入于胃五藏六府皆稟氣于胃五味各走其所喜穀味酸先走肝穀味苦先走心穀味甘先走脾穀味辛先走肺穀味鹹先走腎穀氣津液已行營衛大通乃化糟粕以次傳下黃帝曰營衛之行奈何伯高曰穀始入于胃其精微者先出于胃之兩焦以溉五藏別出兩行

營衛之道其大氣之搏而不行者積于胸中
命曰氣海出于肺循喉咽故呼則出吸則入
天地之精氣其大數常出三入一故穀不入
半日則氣衰一日則氣少矣黃帝曰穀之五
味可得聞乎伯高曰請盡言之五穀稬米甘
麻酸大豆鹹麥苦黃黍辛五果棗甘李酸栗
鹹杏苦桃辛五畜牛甘犬酸猪鹹羊苦雞辛
五菜葵甘韭酸藿鹹薤苦葱辛五色黃色宜
甘青色宜酸黑色宜鹹赤色宜苦白色宜辛
凡此五者各有所宜五宜所言五色者脾病

者宜食粳米飯牛肉棗葵心病者宜食麥羊肉杏薤腎病者宜食大豆黃卷猪肉栗藿肝病者宜食麻犬肉李韭肺病者宜食黃黍鷄肉桃葱五禁肝病禁辛心病禁鹹脾病禁酸腎病禁甘肺病禁苦肝色青宜食甘粳米飯牛肉棗葵皆甘心色赤宜食酸犬肉麻李韭皆酸脾色黃宜食鹹大豆豕肉栗藿皆鹹肺色白宜食苦麥羊肉杏薤皆苦腎色黑宜食辛黃黍鷄肉桃葱皆辛

黃帝問于岐伯曰水與膚脹鼓脹腸覃石瘕
石水何以別之岐伯答曰水始起也目窠上
微腫如新臥起之狀其頸脉動時欬陰股間
寒足頸腫腹乃大其水已成矣以手按其腹
隨手而起如裹水之狀此其候也黃帝曰膚
脹何以候之岐伯曰膚脹者寒氣客于皮膚
之間皤皤然不堅腹大身盡腫皮厚按其腹
窅而不起腹色不變此其候也鼓脹何如岐
伯曰腹脹身皆大大與膚脹等也色蒼黃腹
筋起此其候也腸覃何如岐伯曰寒氣客于

腸外與衛氣相搏氣不得榮因有所繫癖而
內著惡氣乃起瘕肉乃生其始生也大如鷄
卵稍以益大至其成如懷子之狀久者離歲
按之則堅推之則移月事以時下此其候也
石瘕何如岐伯曰石瘕生于胞中寒氣客于
子門子門閉塞氣不得通惡血當寫不寫衄
以留止日以益大狀如懷子月事不以時下
皆生于女子可導而下黃帝曰膚脹鼓脹可
刺邪岐伯曰先寫其脹之血絡後調其經刺
去其血絡也

賊風第五十八

黃帝曰夫子言賊風邪氣之傷人也令人病焉今有其不離屏蔽不出室穴之中卒然病者非不離賊風邪氣其故何也岐伯曰此皆嘗有所傷于濕氣藏于血脉之中分肉之間久留而不去若有所墮惡血在內而不去卒然喜怒不節飲食不適寒溫不時腠理閉而不通其開而遇風寒則血氣凝結與故邪相襲則爲寒痺其有熱則汗出汗出則受風雖不遇賊風邪氣必有因加而發焉黃帝曰

今夫子之所言者皆病人之所自知也其母
所遇邪氣又母怵惕之所志卒然而病者其
故何也唯有因鬼神之事乎岐伯曰此亦有
故邪留而未發因而志有所惡及有所慕血
氣內亂兩氣相搏其所從來者微視之不見
聽而不聞故似鬼神黃帝曰其祝而已者其
故何也岐伯曰先巫者因知百病之勝先知
其病之所從生者可祝而已也

卷六十第七

其南之故城也蓋可城之也
特而步地則曰大堤首曰味曰味之類大堤
縣而宋國對味是時黃帝自其縣而西者
庫內謂兩是味縣其低旁未嘗城之不足
姑陳陳而宋國則謂之陳陳者又言陳陳
姑陳陳而宋國則謂之陳陳者又言陳陳
姑陳陳而宋國則謂之陳陳者又言陳陳
今夫平之陳言者皆陳人之陳自味也其